

**R. P. Sebastiani Izquierdo Alcarazensis Societ. Iesv Regii  
Senatvs S. Inqvisitionis Hispaniarvm Qualificatoris, Et  
Olim Complvti Sacræ Theologiæ Professoris. Opvs  
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

**Izquierdo, Sebastián**

**Romae, 1664**

Quæst. 15. Quænam accidentia possint, aut etiam debeat comitari  
subiectum suum in pluribus locis collocatum.

---

[urn:nbn:de:hbz:466:1-76990](#)

Itaque, si luminofum tantum Matrii collocatum, & applicatum passo perfecte diaphano naturaliter valet in eo producere septem gradus lumenis, nec amplius sua potentia naturali potest, & exigit; casu, quod simul Romae ponatur alteri passo æquè diaphano applicatum, non producere connaturaliter eisdem septem gradus lumenis Matrii, & simul aliquos alios gradus Romae, sed diuisa actione connaturaliter producet Matrii tres gradus cum dimidio, & totidem Romae. Quia eius potentiam naturalem ad plures extendi simpliciter est impossibile; proindeque plures, quam septem, ei deberi non possunt; & non est, cur in casu posito aut omnes in altero dictorum locorum, aut aliter in utroque diuisi inæqualiter debeantur. Pariterque philosophandum est de ceteris eiusmodi casibus.

<sup>346</sup> Si vero agenti posito in uno loco non debetur totus effectus, quem simpliciter potest, & exigit sua potentia naturali; scilicet, quia agens contrarium per potentiam, & exigentiam contrariam illi resistit; tunc fieri poterit, vt ipso posito in pluribus locis plus debeatur; plusque subinde poshit connaturaliter possitum in pluribus locis, quam possum in uno solo. Sit enim ignis alias potens, & exigens simpliciter sua potentia naturali producere septem gradus caloris, debeaturque illi Matrii posito productio trium dumtaxat propter resistentiam contrarij, certe si Matrii dumtaxat sit, eos tantum naturaliter producere poterit, si vero simul ponatur Romae, ibique ius ad alios tres in altero passo producendos cum contrario ibidem existente sit compatibile, omnes sex simul valebit connaturaliter producere. Quia ex una parte omnes sex simul virtutem, & exigentiam eius naturalem non excedunt; & ex alia ius Matriente ad tres gradus non impedit ius Romanum ad alios tres; quia sunt iura ad gradus producendos in diversis passis connaturaliter, & simul eorum capacibus. Per quæ omnia propositione data satis, superque explicata, & confirmata manet. Quidquid autem contra illam opponi potest, ex dictis in precedentibus facile quisque diluet.

### QUESTIO XV.

*Quanam accidentia possint, aut etiam  
debeant comitari subiectum  
suum in pluribus locis  
collocatum.*

<sup>347</sup> **V**estio est tam de potentia metaphysica, sive absoluta, quam de physica, sive connaturali. Neconon tam de accidentibus suapte essentia dependentibus ab spatio locali determinatis, sive ei affixis, vt sunt ubicatio, & modi eius; quam de independentibus, indifferentibusque subinde ad existendum velibet, vt sunt color, calor, odor, & cetera huiusmodi.

### Propositio I.

<sup>348</sup> Non repugnat de potentia absoluta, vt ens possum in pluribus locis secum habeat in omnibus illis omnia accidentia,

sua, quæ non sunt dependentia à loco, sive ab spatio locali determinato.

Ita tenent omnes Doctores. Et ratio est clara. Quia supposito, quod subiectum in pluribus locis collocatur, atque adeò collocari potest, vt supponitur, non est, cur accidentia eius independentia à loco determinato non possint æquè in eisdem locis simul cum ipso collocari. Siquidem æquè hæc, atque illud indifferentia sunt ad effundendum in quovis loco.

### Propositio 2.

Etiamsi subiectum ponatur in pluribus locis, non est metaphysicè necessarium, quod accidentia eius in omnibus illis ponantur. Benè tamen quod saltem in uno loco sint simul cum illo, dum existunt cum ipso unita, aut in ipso recepta,

Priorem partem propositionis tenent Soar. tom. 3. in 3. par. disput. 48. sect. 5. Card. Lugo disput. 5. de Euchar. sect. 2. Petr. Hurt. disput. 14. Phys. sect. 5. Arriag. disput. 14. Phys. sect. 10. Onied. controu. 5. Phys. punct. 10. Carlet. disput. 35. Phys. sect. 7. Spinul. disput. 10. Phys. sect. 6. artic. 3. & alij communiter contra Vazq. tom. 3. in 3. par. disput. 189. cap. 4. Scot. & alios apud ipsum, & apud Soar, supra. Probatur autem primò. Quia dicta accidentia non sunt in loco per solam uniuersum sui cum subiecto existente in loco, sed per proprias singulorum praesentias, vt contra ipsum Vaz, & alios ostendimus quæst. 7. Ergo nihil est, quod metaphysicè prohibeat, esse illa praesentia simul cum subiecto, cui sunt unita, in uno loco, & non esse praesentia in alijs locis, vbi subiectum ipsum est replicatum. Secundò. Quia ubiq[ue]t, quam habet subiectum in uno loco, non transire cum illo ad alia loca; tametsi enim illo sit unita. Ergo & cetera accidentia, quæ subiectum habet in uno loco, quantumvis sint unita cum illo, bene poterunt ad alia loca cum illo non transire. Tertiò denique. Quia anima rationalis de facto aliqua accidentia habet in capite, quæ tamen non habet in pede, vbi est replicata, vt constat. Ergo possibile est, quodvis subiectum bilocatum habere accidentia in uno loco, quæ non habeat in alio.

Dices cum Vaz. supra. Si subiectum esset album in uno loco, & non esset album in alio, & absolute esset album, & non esset album; quæ est manifesta contradic̄tio: quia quæ conueniunt aut non conueniunt subiecto independenter à loco, è quorum genere est albedo, æque verificatur de illo absolute, ac respectu ad locum. Respondeo, quando subiectum album in uno loco dicitur non esse album in alio, non negari de subiecto albedinem; alioquin & absolute posset negari iuxta argumentum factum, sequenturque contradic̄tio, quam ipsum pretendit; sed negari praesentiam albedinis in tali loco. Ex qua negatione non sequitur negatio albedinis independenter à loco. Proindeque nec bene infertur, subiectum absolute non esse album, ex eo, quod sit verum, in sensu dicto, illud non esse album in tali loco: qualiter dumtaxat est verum, quando vere est album in alio. Recognoscere doctrinam traditam supra quæst. 9.

Iam

351 Iam verò secunda pars propositionis probatur. Quia, dum existunt accidentia unita subiecto, alicubi necessariò debent existere iuxta generalem doctrinam stabilitam supra quæst. 8. At est impossibile, quod existant in loco separato, sive distanti ab omni loco subiecti, prout supra quæst. 13. proposit. 3. statutum est. Ergo necesse est, quod existant in aliquo saltem locorum, in quibus existit subiectum.

452 Sed dubitari potest, an saltem actio conservativa subiecti debet necessariò comitari illud in omnibus locis, vbi illud est positum. Negat Ouid. *Supra num. 11.* Affirmat verò Carlet. *Supra secc. 8.* Ego cum Card. Lugo *Supra num. 36.* arbitror, impossibile esse, ut aliqua creatura sit in aliquo loco, & non sit in eodem aliqua actio, qua dependeat à Deo. Esse tamen possibile, ut actio, qua creatura dependet à Deo in uno loco, non sit simul cum illâ praesens in alijs, in quibus illa praesens est. Primum inde probatur. Quia de essentiâ creaturæ est, actus dependere à Deo mediâ aliquâ actione; aut distinctâ à se, aut indistinctâ. Ergo, vbiunque sit creatura, debet esse actu pendens à Deo mediâ aliquâ actione; qualiter esse nequit alicubi, nisi ibidem sit talis actio, ut satis ex se videtur notum. Secundum autem, inde probatur. Quia ex una parte actio A solum exposcit essentialiter, ut sit secum praesens suus terminus, vbi ipsa est, iuxta doctrinam universalem de praesentia modorum datum supra quæst. 13, nequit tamen exposcit ipsa esse praesens, vbiunque est terminus suus; sicut neque vbiunque est principium suum, ut constat in actione oriundâ à Deo, nec tamen praesente, vbiunque est Deus. Ex alia verò parte creatura non poscit essentialiter actionem A determinatam, ut dependeat à Deo absolutè, atque adeò neque, ut dependeat à Deo in omni loco, vbi praesens est, sed tantum aliquam actionem, quocunque ea sit. Ergo possibile est, creaturam actu pendere à Deo per actionem A in uno loco, & in alio non per eamdem, sed per aliam diuersam. Quod ipsum est, actionem A posse simul cum suo termino esse praesentem in uno loco; quin sit praesens cum illo in alijs, vbi ille praesens est.

## Propositio 3.

353 Si collocetur subiectum in pluribus locis, in omnibus illis debent etiam connaturaliter collocari accidentia eius, quæ neque loco determinato sunt affixa naturâ suâ, neque ab agente creato extrinseco in uno tantum loco existente sunt dependentia in conseruari.

Hæc propositio communis est apud Doctores: eamque tenent omnes relati proposit. 2. Probaturque primò. Quia eiusmodi accidentia semel subiecto unita, ac per unionem velut possessa quasi suppellex sunt ipsi connaturaliter debita, vbiunque sit; ob id enim illa sit secum naturaliter, dum mouetur localiter, ut experientia monstrat. Ergo ex suppositione, quod illud sit in pluribus locis, non potest non connaturaliter habere illa secum in omnibus. Secundò. Quia, ut docet Trident. less. 13. cap. 3. licet solum corpus, & solus sanguis Christi domini ponantur ex vi verborum in sacramento Eucharistia; ob unionem tamen eorum cum animâ, & cum diui-

nitate, ipsa quoque anima, & ipsa diuinitas ponuntur per concitantiam. Eodemque uno, nis titulo, docent communiter Theologi, habere Christum dominum connaturaliter in Eucharistia accidentia independentia à loco, quæ habet in Cœlo. Tantumdem ergo dicendum est de quolibet alio subiecto in pluribus locis collocato. Itaque in omnibus debet illud secum habere connaturaliter omnes suas passiones, & cetera accidentia sibi inherētia, vel unita, exceptis, quæ determinato loco affiguntur, & quæ in conseruari dependent ab aliquo agente creato extrinseco. Quæ quidem excipio propter mox dicenda proposit. 4. & 5.

## Propositio 4.

Accidentia affixa essentialiter determi- 354 nato spatio locali, qualia sunt praesentia localis, & modi eius, nec debent, nec possunt connaturaliter ponи in pluribus locis, etiam ex suppositione, quod eorum subiectum in illis replicatum ponatur.

Ita tenent omnes Doctores unanimiter, Probaturque primò. Quia, si subiectum deberet, aut posset connaturaliter habere secum talia accidentia, vbiunque esset, dum ex uno loco ad alium mouetur, praesentiam, quam in illo habebat, ad alium secum ferret. Quod, certum est, non ita euenerit. Secundò. Quia sequetur indidem, posse, & debere dari connaturaliter processum praesentialium in infinitum. Cum enim, collocato subiecto simul Matriti, & Romæ, praesentia eius Matritensis non per se ipsam, (quia id prorsus repugnat, cum non sit per se, praesentia Romana); sed per praesentiam Romanam sibi accrescentem deberet ponи Romæ; hæc rursus eodem iure deberet per aliam Matritensem adiunctam sibi ponи Matriti; & hæc Matritensis similiter per aliam Romanam ponи Romæ; & ita deinceps sine fine. Quod quam sit absurdum, & impossibile, nemo non videt. Tertiò denique. Quia subiectum existens simul Matriti, & Romæ nullo titulo exigit habere secum Romæ praesentiam Matritensem, ut exigit habere alia accidentia; siquidem Romæ nequit habere effectum formalem ipsius, sicut aliorum accidentium, estendi scilicet praesens Matriti; ut constat. Sed neque praesentia ipsa Matritensis exigit ratione sui esse Romæ, ut est notum. Ergo adhuc supposito, quod subiectum simul sit praesens Matriti, & Romæ, nulla datur exigentia naturalis, ut praesentia eius Matritensis ponatur Romæ; sine qua nequit esse connaturaliter possibile, nedum debitum, quod ea Romæ ponatur. Tantumdemque de modis praesentiali venit dicendum. Utrum autem ita accidentia spacio determinato affixa diuinitas in alijs spatijs locari possit, proposit. 6. videbimus.

## Propositio 5.

EIAM ex suppositione, quod subiectum sit positum in duobus locis, accidentia eius, quæ dependent in conseruari ab aliquo agente existente tantum in uno, nec

X debent,

debent, nec possunt connaturaliter ponи simul in alio.

Hac propositio est contra Card. de Lugo Quied. & alios ex citatis proposit. 2. Qui censem, si hecmo existens simul Matrii, & Romae à lucernā e istente tantum Matrii accipiat lumen, speciemque, qua videat illam, huiusmodi lumen, speciem, & visionem connaturaliter debere etiam ponи Roma; idque vel translata ad Romanam eadē actione, qua lumen, species, & visio dependent in fieri, & conservari à dicta lucernā Matriensi; vel solum translatis ipso lumine, specie, & visione, & conservatis Romae à Deo per aliam actionem. Ego vero op̄positum censeo, statuoque vniuersē in praesente propositione,

356

Et quidem, quod actio oriunda à lucernā existente tantum Matrii nullatenus possit, adhuc de potentia absoluta, fieri præfens Roma, inde constat: quia existeret alicubi modus sine re, cuius est modus; quod est simpliciter impossibile ut in vniuersum probauimus supra quæst. 13. Quod autem effectus talis actionis connaturaliter non possit, neendum debet, locati Roma, inde probatur: quia effectui omnino pendentii inheri, & conservari ab aliquā causā creatā nullo naturali iure debetur existentia, atque adeo neque praesentia in absentia talis causa. Ob id enim, cum remouetur lucernā à loco, ubi erat, lumen, aut etiam species, & visio ipsius, quam ibi causabat, statim perit naturaliter. Igitur effectibus prædictis omnino pendentibus in fieri, & conservari à lucernā Matriensi, quæ à Roma absens est, nullo naturali iure debetur praesentia Romana; proindeque Romae connaturaliter ponи non possunt. Nec refert, esse eos revera vniuers corpori existenti simul Matrii, & Romae, in eoque etiam receptos: quia vnu, & receptio hæc, ut nequeunt præstare, quod tales effectus prout existentes Romae à sua causā naturali non existente Romae dependant: quia id repugnat, adhuc supernaturaliter, ut dictum est: ita neque fundare possunt ius ad eorum praesentiam Romanam ab alia causā oriundam. Propterē enim anima nostra aliqua accidentia habet sibi praesentia prout existenti in capite, quæ non habet sibi praesentia prout existenti in pede; tametsi illi regulari unita, aut etiam in ipsa recepta sint: quia causa à quibus talia accidentia in fieri, & conservari dependent, in solo capite, non item in pede praesentia sunt.

357

Itaque accidentia naturaliter dependentia, in fieri, & conservari à causā existente in uno tantum loco, non possunt, atque adeo nec debent connaturaliter ponи praesentia in pluribus, etiam ex suppositione, quod sit præfens in ipsis pluribus eorum subiectum. In quo differunt ab accidentibus, quæ semel producta à sua causa aut à suo subiecto, aut à Deo naturaliter convergantur. Hæc enim, si non sunt loco determinato affixa, connaturaliter debent comitari suum subiectum, in quibuscumque locis ipsum fuerit, etiam si causa primo producens illa in uno tantum loco sit: nimirum, quia præterquam quod tali subiecto sunt vna, aut etiam in eo recepta, insuper habent in omnibus locis illius praesentem causam conservatiuam sui naturaliter, productiuamque subinde connaturaliter praesentiarum sui in omnibus illis. Sic, si lignum existens simul Matrii, & Romae ab igne

existente solum vatrii calescat, calor qui in illo receptus naturaiter conservaretur à Deo in absentia ignis, & pro eo tantum tempore, quo conservaretur connaturaliter, debet ponи etiam præfens Romae à Deo ipso. Quod si in materiam ligni forma ignis introducatur ab igne Matriensi, connaturaliter debet item talis forma ponи etiam à Deo præfens Romae in eamdem materiam Romae existentem introducita; quatenus etiam in absentia ignis, à quo fuit producta, à Deo ipso naturaliter est conservabilis. Similiterque de similibus philosophatum est,

### Propositio 6.

Accidentia affixa essentialiter determinato spatio locali, qualia sunt praesentia localis, & modi eius, absque contradictione, atque adeo de potentia Dei absoluta possunt in alijs locis praesentia ponи. Atque adeo comitari subiectum suum vbiunque illud sit.

Hac etiam propositio est contra Card. Lugo Quied. & alios ex relatis proposit. 2. Nam tamen tenent Spinul, disp. 10. Phys. sect. 6. art. 4. & alij Recentiores. Potissima autem eius probatio est. Quia ex eo, quod praesentia simul cum suo subiecto per aliam præsentiam superadditam collocetur in alio spatio locali ab eo; cui per se, ipsam affixa est, nulla sequitur contradictione, ut ex solutione arguementorum, quibus oppositum probari intenditur, constabit. Ergo id est simpliciter possibile, atque adeo exercitabile per diuinam omnipotentiam. Dico per aliam præsentiam superadditam. Quia certum est: præsentiam soli spatio A per se affixam non posse per se praesentem fieri insuper spatio B: quia esset etiam spatio B, & non soli spatio A per se affixa contra suppositionem. Dico item simul cum suo subiecto. Quia hoc ipso, quod praesentia est modus sui subiecti, ut statuimus supra quæst. 1. proposit. 3, nec de potentia absoluta potest alicubi collocari absque subiecto suo, ut constat ex generali doctrina de vocatione modorum tradita etiam supra quæst. 13.

Deinde probatur propositio quasi à priori. 358  
Quia solum prædicatum affixionis, quam habet praesentia localis ad proprium spatiū, oblitus, posset, quominus ea in alijs spatiis collocabilis esset; siquidem in ceteris prædicatis cum ceteris entibus vblibet collocabilibus conuenit, ut notum est. At talis prædicatum non oblitus. Ergo, Cetera patent, Minor probatur. Quia præsentia indubitate replens per sui replicationem spatiū diuisibile, quam ex communī Doctorum, sententia possibile esse statuimus supra quæst. 4, cuilibet parti talis spatiū est affixa per se; & nihilominus insuper est per se præfens in alijs: tandemque suo modo habet immensitas Dei. Ergo prædicatum affixionis ad unum spatiū non oblitus: quominus praesentia illius habens possit in alio esse præfens per se. Ergo neque oblitus; quominus possit esse præfens in alio per aliam præsentiam superadditam, prout nostra propositio fert. Probo hanc consequentiam. Quia facilius circa dubium videtur, quod possit quidam in uno loco per se; & in alijs per praesentias superadditas replicari, quoniam, quod possit

repli-

replicari in omnibus per se. Quandoquidem adhuc sunt, qui opinentur, non esse possibile quidam per se replicatum in pluribus locis; cùm tamen apud omnes sit certum, de facto Christum dominum in pluribus locis Eucharisticis, & Angelum in pluribus locis inadæquatis per presentias superadditam quotidie replicari.

<sup>360</sup> Obijicitur tamen primò contra nostram propositionem. Duratio vni temporis affixa neque diuinus potest per aliam superadditam in alio tempore durare. Ergo neque præsentia vni loco affixa potest diuinus per aliam superadditam locari in alio loco. Concesso antecedens; nego consequentiam. Primò propter discriben tempotum, & locorum. Tempora quippe successivè habent esse: atque ideo id solum tempus est, quod præsens est; præterita enim iam non sunt, & futura non dum sunt. Cùm tamen loca, ut pote permanentia, simul omnia sint. Vnde duratio impotens existere, nisi, cùm tempus, cui affigitur, est, consequenter est impotens durare in alio; quia in nullo potest durare sine existente; & neque existere, cùm aliud est; eo quod cùm aliud est, suum necessariò non est. At verò præsentia, et si impotens existere, nisi cùm locus, cui affigitur, est, bene potest locari in alio; quia potest existere, cùm aliud est; eo quod, cùm aliud est, & suum quoque simul est. Secundò propter discriben præsentiarum, & duracionum. Non enim est possibilis duratio affixa per se pluribus temporibus, vt est possibilis præsentia affixa per se pluribus locis; prout infra disput. 8. quæst. 3. videbimus. Ex quo inferatur, neque esse possibile durationem, quæ sit vni tempori per se affixa, & possit per aliam superadditam in alio durare; (vti est possibilis præsentia, quæ affixa vni loco possit per aliam superadditam in alio locari); iuxta dicenda in eadem disput. 8. quæst. 8.

<sup>361</sup> Secundò obijicitur. Si vocatione, qua Petrus est præsens Matriti, vna cum ipso Petro fieret per aliam superadditam præsens Roma, eundem effectum formalem tribueret Petro Romæ, quem tribuit Matriti. Atque ita Roma est Petrus præsens Matriti. Quod plane est chymaricum. Quia nequit Petrus esse Romæ præsens Matriti, nisi habens esse intra spatiū Matritense, prout est intra spatiū Romanum: & hoc fieri nequit, quin sit spatiū Matritense intra Romanum. Quod manifestè est impossibile. Hoc argumentum eodem pacto venit formandum contra præsentiam (quæ communiter reputatur possibilis) per se ipsam replicatam in pluribus locis, & contra immensitatem Dei præsentem per se ipsam, vbiique, atque adeò Matriti, & Roma. Ab omnibusque proinde dissolui debet. Ego pro omnibus respondeo ad illud ex doctrina tradita supra quæst. 1. & 4. hoc, quod est, esse Petrum præsentem Matriti, prater præsentiam Matritensem, spatiū etiam locale Matritense, cui illa respondeat, includere in suo conceptu reali; defectu cuius talis præsentia translata vna cum Petro ad Romanum non redderet Petrum prout existentem Romæ præsentem Matriti. Quo oppositum argumentum penitus corruit. Recognoscatur doctrina data locis citatis. Ex qua inferatur, non bene concedi à Card. Lugo vbi supra, Deum, prout est præsens in quoquis loco, præsentem esse vbiique. De quo disput. 6.

<sup>362</sup> Tertiò obijicitur. Non est fundamentum ad tribuendam præsentia potentiam receptiuam,

alterius præsens, per quam in alio spatio à suo præsens reddatur. Ergo illi tribuenda non est. Nego antecedens. Quia rationes pro data propositione à nobis adductæ sufficiens, imo & impellens ad id fundamentum præbent.

Quarto obijicitur. Præsentia dumtaxat ordinatur naturā suā ad reddendum suum subiectum præsens spatio locali. Sed tantum potest reddere illud præsens spatio locali, cui ipsa est affixa; non alteri. Ergo tantum potest ipsa esse præsens eidem spatio, non alteri. Distinguo maiorem. Dumtaxat ordinatur, &c. ordinatio natūrali; concedo: ordinatione obedientiali; nego. Quia hac ad alia insuper, quæ obedientialiter potest, ordinatur. Et concessa minore: distinguo consequens. Tanum potest ipsa esse præsens eidem spatio potentia natūrali; concedo: potentia obedientiali; nego. Quia hac alijs insuper spatijs potest esse præsens; vt constat ex dictis.

Quintò obijicitur. Si præsentia Matritensis <sup>364</sup> poneretur Romæ, esset distans, & simul indistans à Roma. At hoc repugnat. Ergo. Respondeo. Si præsentia Matritensis poneretur Romæ, fore, vt quatuor præsens Matriti esset distans à Roma; indistans vero quatuor præsens Romæ. In quo nulla est repugnantia. Sicut neque in eo, quod Deus prout præsens Matriti sit distans à Roma, & indistans prout præsens Romæ. Hoc enim reipsa aliud non est, quā spatiū Matritense inclusum in priore de nominatione esse distans à Romano, & Romanum inclusum in posteriore esse indistans à se.

Sextò denique obijicitur. Vna actio non <sup>365</sup> potest fieri per aliam actionem adhuc ab agente diuerso. Ergo vna præsentia non potest præsentari per aliam præsentiam adhuc in spatio diuerso. Nego antecedens cum doctis Recentioribus. De quo alibi. Et quidem vnam unionem partium quantitatis per aliam unionem vniuersitatis, de facto euenerit iuxta sententiam communissimam.

Existimo tamen nihilominus, omnino repugnare præsentiam, quæ superaddita præsentia ipsam iteratè reddit præsentem eidem spatio locali, cui ipsamer per se essentialiter affixa, & præsens est. Quia talis præsentia superaddita essentialiter est superflua. Et sicut est impossibile naturaliter, quod naturaliter est superfluum; ita videtur esse impossibile essentialiter, atque adeò simpliciter; quod essentialiter superfluum est. De quo alias vniuersalius, & latius.

## DISPUTATIO VI.

### De immensitate Dei.

**P**ostquam de vocatione, seu præsentia locali; de locoque, & spatio locali in præced. disput. generatim tractauimus, promptum est, vt in præsenti tractemus speciatim de immensitate Dei, à qua habet ipse præsens esse vbiique, seu in omni loco.